

**BOSNA I HERCEGOVINA
FEDERACIJA BOSNE I
HERCEGOVINE
SREDNJOBOSANSKI KANTON /
KANTON SREDIŠNJA BOSNA
OPĆINA BUGOJNO
Služba za privredu, društvene djelatnosti
i opću upravu**



Identifikacijski broj:
4236189400002
Žiro račun broj:
1011300000037221
Porezni broj: 4236189400002

307. Motorizovane brigade 92, 70230 Bugojno; Tel: 030 251 444; Fax: 030 251 222
E-mail: bugojno@bih.net.ba; www.opcina-bugojno.ba

**Broj: 04-20-1-00882-10/25
Bugojno, 05.02.2026. godine**

Na osnovu člana 40. Statuta Općine Bugojno („Službene novine Općine Bugojno“ broj: 7/07, 2/08 i 6/11), Sporazuma Projekta „Pčelarstvo i ruralni razvoj, broj: 04-20-1-00882-25 od 19.03.2025. godine za period implementacije u 2025 i 2026. godini, Anexa Sporazuma Projekta „Pčelarstvo i ruralni razvoj, broj: 04-20-1-00882-6-25 od 30.04.2025.godine, Anexa 2. Sporazuma Projekta, broj: 04-20-1-00882-8-25 od 29.01.2026. godine i Pravilnika o utvrđivanju uslova, kriterija i postupka za ostvarivanje prava za dodjelu grant za pčelarsku opremu broj: 04-20-1-00882-9/25 od 04.02.2026. godine, općinski načelnik, raspisuje

JAVNI POZIV

za podnošenje zahtjeva za dodjelu grant sredstava za nabavku pčelarske opreme

I PREDMET JAVNOG POZIVA

Predmet Javnog poziva je dodjela grant sredstava pčelarima sa područja općine Bugojno radi unapređenja pčelarske proizvodnje, jačanja kapaciteta lokalnih pčelara i doprinosa održivom ruralnom razvoju.

Grant sredstva dodjeljuju se isključivo za nabavku pčelarske opreme, u skladu sa važećim Pravilnikom. Ukupan iznos raspoloživih grant sredstava po ovom Javnom pozivu iznosi 21.000,00 KM.

Dodjela sredstava vršit će se do utroška raspoloživih sredstava, prema rang-listi aplikanata utvrđenoj na osnovu ostvarenog broja bodova, u skladu sa kriterijima propisanim ovim Javnim pozivom i Pravilnikom.

II PRAVO UČEŠĆA

Pravo učešća imaju pčelari koji ispunjavaju sljedeće uslove:

- prebivalište na području općine Bugojno,
- upisan u Registar pčelara i pčelinjaka FBiH sa ažuriranim podacima,
- aktivno članstvo u Udruženju pčelara „Kalin“ Bugojno,
- da ima minimalno 20 pčelinjih zajednica,

- da tokom 2025. godine nisu koristili sredstva projekta „Pčelarstvo i ruralni razvoj“ po istom ili sličnom osnovu,
- da će dodjeljeni grant koristiti isključivo za nabavku pčelarske opreme
- da će opremu koja bude obezbijedena kroz ovaj grant zadržati u svome vlasništvu najmanje 3 godine,
- spremnost na sufinansiranje 20% vrijednosti odobrenog granta.

III IZNOS I NAČIN DODJELE GRANT SREDSTAVA

Dodjela grant sredstava za nabavku pčelarske opreme vrši se u skladu sa brojem pčelinjih društava koje podnosilac zahtjeva posjeduje, kako slijedi:

do 100 pčelinjih društava

- minimalni iznos granta: 1.000,00 KM
- maksimalni iznos granta: 2.000,00 KM

od 101 do 199 pčelinjih društava

- minimalni iznos granta: 2.000,00 KM
- maksimalni iznos granta: 3.000,00 KM

200 i više pčelinjih društava

- minimalni iznos granta: 3.000,00 KM
- maksimalni iznos granta: 4.000,00 KM

Kroz navedeni grant sredstva kroz Javni poziv, korisnicima će biti podržana vrijednost od 80% od minimalnog granta. Preostali dio vrijednosti predračuna do maksimalnog iznosa koji nije obavezujući, dužan je osigurati krajnji korisnik kroz vlastiti finansiranje.

IV NAČIN PODNOŠENJA PRIJAVE

Aplikant je dužan da u datom vremenskom periodu podnese prijavu na Javni poziv koja sadrži svu potrebnu dokumentaciju koja je ovim javni pozivom definisana. Aplikant je dužan podnijeti predračun koji mora imati sljedeće karakteristike:

- izdat od strane pravnog subjekta registrovanog za obavljanje djelatnosti koja je predmet ovog Javnog poziva (prodaja pčelarske opreme) sa pečatom i potpisom,
- izrađen na ime aplikanta,
- izdat nakon dana otvaranja Javnog poziva,
- jasno specificiran po stavkama i cijenama svakih pojedinačnih stavki i ukupnog iznosa,
- sa rokom važenja najmanje 60 dana od dana izdavanja,
- predračun mora biti minimalne vrijednosti koja pripada brojnom stanju pčelinjih društava gore raspodjeljen,
- iznos mora odgovarati stvarnim tržišnim cijenama.

V KRITERIJ ZA BODOVANJE PODNOSITELJA ZAHTJEVA ZA DODJELU GRANTA ZA PČELARE

Prijave zaprimljene po ovom Javnom pozivu ocjenjivat će Komisija u skladu sa sljedećim kriterijima:

A. TEHNIČKI KAPACITET – BROJ PČELINJIH ZAJEDNICA

- od 20 do 50 pčelinjih društava – **1 bod**
- 51–100 pčelinjih društava – **2 boda**
- 101–150 pčelinjih društava – **3 boda**
- 151 i više pčelinjih društava – **5 bodova**

Verifikacija:

Podnosilac zahtjeva obavezan je dostaviti potvrdu iz Pčelarskog registra, ažuriranu u 2025. godini. Komisija zadržava pravo izvršiti terenski uvid i provjeru broja pčelinjih zajednica. Konačan broj bodova utvrđuje se na osnovu stanja zatečenog na terenu.

B. SOCIO-EKONOMSKI KRITERIJI

Bodovi po ovom osnovu mogu se sabirati, uz obaveznu dokumentaciju:

- podnosilac zahtjeva je nezaposlen – **4 boda**
- za svakog punoljetnog nezaposlenog člana porodice evidentiranog na Birou za zapošljavanje – **1 bod**
- za svakog izdržavanog člana domaćinstva (djeca, učenici, studenti, domaćice, nezaposlene osobe koje nisu na evidenciji Biroa) – **1 bod**
- starosna struktura podnosioca zahtjeva: starosna dob do 35 godina-**3 boda**, starosna dob 35-45 godina-**2 boda**, starosna dob 45-55 godina-**1 bod**, više od 55 godina – **0 bodova**.
- podnosilac zahtjeva je samohrani roditelj – **3 boda**
- podnosilac zahtjeva je žena – **1 bod**
- podnosilac zahtjeva je osoba s invaliditetom ili ima člana uže porodice s invaliditetom – **3 boda**

C. PRIHOD DOMAĆINSTVA (PO ČLANU DOMAĆINSTVA)

Bodovanje se vrši prema prosječnom mjesečnom prihodu po članu domaćinstva:

- bez ikakvih primanja – **6 bodova**
- 0,01 KM – 100,00 KM – **4 boda**
- 100,01 KM – 200,00 KM – **3 boda**
- 200,01 KM – 300,00 KM – **2 boda**
- 300,01 KM – 400,00 KM – **1 bod**
- više od 400,01 KM – **0 bodova**

D. SOCIJALNI I TERENSKI ASPEKT (PROCJENA KOMISIJE)

Na osnovu terenskog uvida, Komisija vrši procjenu ukupnog socijalno-ekonomskog položaja domaćinstva, uključujući:

- stambene i životne uslove,
- imovno stanje,
- stepen ranjivosti,
- održivost planiranog ulaganja.

Po ovom kriteriju moguće je ostvariti 0–10 bodova.

E. RANGIRANJE I PREDNOST U SLUČAJU ISTOG BROJA BODOVA

U slučaju da dva ili više kandidata ostvare isti ukupan broj bodova, prednost se daje prema sljedećem redoslijedu:

- mlađa osoba,
- višečlano domaćinstvo,
- domaćinstvo sa većim brojem nezaposlenih članova.

VI PRIHVATLJIVI I NEPRIHVATLJIVI TROŠKOVI

U obzir dolazi isključivo pčelarska oprema, koja se namjenski i direktno koristi u pčelarstvu, uključujući, ali ne ograničavajući se na:

- pčelinje košnice (različitih tipova),
- vrcaljke za med,
- zaštitna pčelarska odijela,
- pčelarske maske i rukavice,
- dimilice,
- pčelarske alate (dlijeta, četke i sl.),
- posude i opremu za manipulaciju i skladištenje meda,
- pčelinja društva (jedino kupljena od strane registrovanih subjekata za prodaju pčelinjih društava prema važećem registru)
- ostalu specijaliziranu opremu namijenjenu pčelarstvu (pčelarske vage, transportne uređaje za košnice, uređaje za ekstrakciju meda i polena, duplikatore za med, itd)

Neprihvatljivi troškovi su i svi oni troškovi koji cjenovno ne odgovaraju stvarnim tržišnim cijenama. Kupovina poljoprivrednih mašina i alatki (kopačica, trimera, priključaja za alate) ovim javnim pozivom nije dozvoljena. Kupovina lijekova, hrane, suplemenata i voska (satnih osnova) za pčele nije dozvoljena.

Sva oprema koja se ne koristi isključivo i namjenski u pčelarstvu, bez obzira na dostavljeni predračun, smatra se neprihvatljivim troškom. Neprihvatljivi troškovi su i svi oni troškovi koji cjenovno ne odgovaraju stvarnim tržišnim cijenama.

U slučaju da kandidat dostavi predračun koji sadrži neprihvatljive stavke:

- predračun će se smatrati nevažećim i kandidat će biti automatski diskvalifikovan iz dalje procedure odabira korisnika.

Napomena: Komisija zadržava pravo da, tokom administrativne i terenske provjere, izvrši provjeru tržišne vrijednosti opreme navedene u dostavljenim predračunima.

Provjera tržišne vrijednosti vrši se na osnovu važećih cjenovnika registrovanih pravnih subjekata koji se bave prodajom pčelarske opreme, ponuda najmanje dva (2) različita dobavljača, javno dostupnih tržišnih izvora (web stranice, katalogi, zvanične prodajne platforme), prethodnih nabavki realizovanih u okviru istog ili sličnih projekata.

Predračun će se smatrati neprihvatljivim ukoliko ukupna ili pojedinačna cijena opreme prelazi prosječnu tržišnu cijenu za više od 15%, bez objektivnog i dokazivog obrazloženja. U posebnim uslovima, odstupanja u broju pčelinjih društava, administrativne greške prilikom izdavanja računa,

koji imaju logično opravdanje, komisija može tražiti dopunu/izmjenu predračuna uz posebno objašnjenje.

VII POTREBNA DOKUMENTACIJA

Uz popunjen zahtjev za dodjelu grant sredstava, podnosioci zahtjeva su obavezni dostaviti potpunu, tačnu i vjerodostojnu dokumentaciju, kako slijedi:

A. OSNOVNA DOKUMENTACIJA (OBAVEZNA ZA SVE PODNOSIOCE APLIKACIJE)

1. Ovjerena kućna lista,
2. Kopija lične karte podnosioca zahtjeva,
3. Dokaz o nezaposlenosti svih punoljetnih članova zajedničkog domaćinstva, izdat od nadležnog Biroa za zapošljavanje;
4. za lica koja se ne nalaze na evidenciji nezaposlenih, dostavlja se kopija zdravstvene knjižice sa vidljivim pečatom nosioca osiguranja ili ovjerena izjava kojom se potvrđuje status nezaposlenosti (original ili ovjerena kopija),
5. Potvrda škole ili fakulteta za djecu i druge izdržavane članove domaćinstva (uključujući potvrdu o pohađanju za studente)(original ili ovjerena kopija),
6. Uvjerenje ili drugi dokaz o visini prihoda za svakog zaposlenog člana domaćinstva navedenog na kućnoj listi;
7. za penzionere: posljednji ček od penzije ili potvrda banke (original ili ovjerena kopija),
8. Ovjerena izjava kojom se korisnik obavezuje da će dobijenu opremu kroz ovaj grant zadržati u svom vlasništvu i koristiti ga u skladu s namjenom,
9. Ovjerena izjava o obaveznom sufinansiranju 20% vrijednosti grant sredstava,
10. Ovjerena izjava da će ukoliko predračun bude veći od dodijeljenog granta, aplikant ostatak vrijednost snositi sam,
11. Potvrda o upisu u Pčelarski registar za 2025. godinu,
12. Potvrda o članstvu u Udruženju pčelara „Kalin“ Bugojno,
13. Predračun izdat od registrovanog pravnog subjekta, na osnovu kojeg će biti izvršena isplata grant sredstava.

B. DODATNA DOKUMENTACIJA (DOSTAVLJA SE UKOLIKO JE PRIMJENJIVO)

Podnosilac zahtjeva dostavlja dodatnu dokumentaciju samo ukoliko pripada jednoj od navedenih kategorija:

- Dokaz o statusu samohranog roditelja – smrtni list, pravosnažna presuda o razvodu braka ili drugi relevantan dokument kojim se dokazuje status samohranog roditelja (original ili ovjerena kopija),

- Dokaz o invaliditetu podnosioca zahtjeva i/ili člana domaćinstva (dijete, bračni drug i sl.), izdat od nadležne stručne/medicinske komisije (original ili ovjerena kopija).

Izjave navedene pod rednim brojevima 8., 9. i 10. podnose se na zajedničkom obrascu „IZJAVA“, koji se može preuzeti u Službi za privredu, društvene djelatnosti i opću upravu općine Bugojno.

Nepotpuna, neuredna, netačna ili neblagovremena dokumentacija neće se uzimati u razmatranje. Komisija zadržava pravo da, po potrebi, zatraži dodatna pojašnjenja u vezi sa dostavljenom dokumentacijom. U posebnim i opravdanim slučajevima, Komisija može omogućiti naknadnu dopunu dokumentacije, o čemu će podnosilac zahtjeva biti pismeno obaviješten.

VIII PROVOĐENJE POSTUPKA PO JAVNOM POZIVU

Načelnik imenuje Komisiju za odabir korisnika za dodjelu pčelinjih društava i opreme koju čine predstavnici organizacije „Muslim Aid Association“ i Općine Bugojno.

Zadatak Komisije je:

- pregled i administrativnu provjeru svih pristiglih prijava,
- evidentiranje podnosilaca zahtjeva koji ispunjavaju uslove iz Javnog poziva,
- provođenje terenskog uvida (uviđaja na licu mjesta) radi provjere navoda iz prijave,
- bodovanje prijava u skladu s utvrđenim kriterijima,
- utvrđivanje i objavu preliminarne liste odabranih korisnika.

Preliminarna lista o odabiru korisnika za dodjelu pčelinjih društava objavljuje se na oglasnoj ploči Općine Bugojno, službenoj web stranici općine Bugojno.

Podnosilac prijave može uložiti pisani prigovor Načelniku na preliminarnu listu s rokom podnošenja prigovora od 8 dana od dana objave preliminarne liste na oglasnoj ploči Općine Bugojno i na web stranici Općine Bugojno. Nakon rješavanja eventualnih prigovora donosi se konačna lista i ista objavljuje na oglasnoj ploči Općine Bugojno i web stranici Općine Bugojno.

Izabrani kandidati potpisuju Ugovor o dodjeli pčelarskog granta, kojim će biti regulirana sva daljnja međusobna prava i obaveze.

IX NAČIN I ROK PODNOŠENJA PRIJAVA

Obrasci zahtjeva za prijavu na Javni poziv se mogu preuzeti u Službi za privredu, društvene djelatnosti i opću upravu općine Bugojno.

Zahtjev sa obaveznom dokumentacijom se dostavlja u zatvorenoj koverti na protokol Općine Bugojno sa naznakom „Javni poziv za dodjelu pčelarskog granta“. **Rok za podnošenje zahtjeva je 15 dana, od dana objavljivanja javnog poziva na web stranici Općine.** Nepotpuna, neuredna, netačna i neblagovremena dokumentacija neće se uzimati u razmatranje.

Sve dodatne informacije u vezi sa Javnim pozivom se mogu dobiti u Službi za privredu, društvene djelatnosti i opću upravu općine Bugojno.

Načelnik općine
Edin Mašić, dipl.iur.

